

نییه اوشاغین خولقی پیس اولور؟

سلامت نیوز: آنا-آنالارین چوخو بیلیمیرلر کي اوشاقلارین خولقی پیس اولاندا نه ائله مه لیدیلر.

سلامت نیوز: آنا-آنالارین چوخو بیلیمیرلر کي اوشاقلارین خولقی پیس اولاندا نه ائله مه لیدیلر. اوشاقلار معمولاً قیشقیرماق، آغلاماق، قارسیزلیق و آرام اولماماغینان، پیس خولقلرین گؤرسه درلر. بعضی تربیتی نوکته لره فیکیر وئرماق بوجور اوشاقلارین آنا-آنالارینا یاخجی راهنمالیق اولاییلر.

1. گرکمز اوشاقلاری تنبیه مخصوصاً بدنی تنبیه ائله ماق. بلکه گرک مسأله نین اصلی ریشه سین تاپیب اونو حل ائله ماق.

2. اوشاغین خولقی پیس اولاندا اونو موحیطدن اوزاقلادیب و فیکرین آیری مسأله یه موتوجه ائله ماق.

3. خولقی پیس اولاندا، اوبناتمالیلارینی ایختیاریندا قویون تا مشغول اولسون.

4. هئج واخت جمع ایچینده اونو دانلامایین و اونان ساواشمایین.

5. اوشاغیز ایستکلرینی چیغیر-باغیرینان ایسته سه اونا اهمیت وئرمه یین. اوندا او اؤرگه شر کي ایستکلرین یئرسیز ده اولسا بوجور ایسته سین.

6. اوشاغین خولقی پیس اولاندا اونون گؤزوندن اوزاق اولون؛ چونکي اوشاقلار چوخراق اؤزلرین اذیررلر و بوجورلوعونان جلب توجه ائله ماق ایستلرلر. موطنین اولون بو حالت اوشاغیزدا قیسا اولاجاق.

7. اونا بیر آز سو یا میوه سویو وئرین و چالیشین اونون حیرصه نین قباغیندا بی تفاوت اولاسیز.

8. حیرصله ننده قباغینا بیر آینا توتون، احتمالاً اوشاغیز اؤز حیرصلی قیافه سین گؤرسه گولماغی گلر.

